

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Q. 8. Potest-ne Sacerdos consecrare speciem unam sine altera?

urn:nbn:de:hbz:466:1-40834

140 TRACTATUS IV.

terminatae quantitatis: unde Panis, & vinum possunt in quantalibet quantitate, validè tamen, si aliquando non licet, consecrari; licet enim quantitas materiae hujus Sacramenti per comparationem ad usum fidelium determinetur: quia cujusvis materiae determinatio ex fine propter quem assumitur petenda est: attamen non potest materiae quantitas per comparationem ad usum Fidelium tunc occurrentium de-

D. Tho. 3. p. terminari; *Alioquin*, inquit Divus Thomas, q. 74. art. 2. *Sacerdos paucos Parochianos habens, non in corp.* posset consecrare multas hostias, unde requiriatur; quod materia hujus Sacramenti determinetur per comparationem ad usum Fidelium absolutè. Numerus autem Fidelium est indeterminatus. Vnde non potest dici quod quantitas materiae hujus Sacramenti sit determinata.

Sacerdos igitur, qui quantitatem nimiam consecraret, id est, in longè majori copia quam Fidelium qui communiter occurunt, vel occurere possunt, aut solent, usus postulat, validè quidem Sacramentum perageret: at illicet & sacrilegè tamen, utpote qui venerabile Sacramentum certæ corruptioni specierum sine causa exponeret.

Quæst. 8. Potest-ne Sacerdos consecrare vinum non consecrando panem, vel panem non consecrando vinum, saltem imminentे aliqua extrema necessitate?

Resp. Validè quidem una species sine altera consecrari potest, nunquam tamen licet; validè inquam, quia statim ac verba consecrationis Panis prolata sunt, continuò sub speciebus illius existit Corpus Christi; verba enim cum producent quod significant, statim atque Corpus Christi expressis verbis significatur, sine mora adest: unde & confessim Hostia propo-

nitur adoranda. Nunquam tamen unam speciem sine alia consecrari licet, quia non licet alio modo Eucharistiam consecrare, quam eam Christus consecrandam imperavit: at Christus utramque speciem indivisim consecrandam præcepit, ut ait Concilium Tridentinum. *Christus Corpus & sanguinem suum sub speciebus Panis, & vini Deo Patri obtulit, ac sub eorumdem rerum Symbolis, Apostolis, quos tunc novi Testamenti Sacerdotes constituebat, ut sumerent, tradidit, & eisdem, eorumque in Sacerdotio successoribus ut offerrent, præcepit per hæc verba: HOC FACITE IN MEAM COMMEMORATIONEM: uti semper Catholica Ecclesia intellexit, & docuit.*

C A P U T I V.

De Forma Sacramenti Eucharistie.

Quæst. 1. Q UÆNAM est forma consecrationis Panis?

Resp. Consistit essentialiter in his solis verbis; *Hoc est Corpus meum*: ut enim ait Catechismus Concilii Tridentini; *Itaque à sanctis Evangelistis Mattheo, & Luca, itemque ab apostolo doceatur illam esse formam*, *Hoc est mentio n. 20. Corpus meum*: Iḡtur nec particula enim, nec alia verba sunt de essentia consecrationis.

Quæst. 2. Sacerdos omissis particularibus in consecratione, peccaret-ne?

Resp. Ex Divo Thoma. *LýENIM subla-* D. Th. 35 p*tum non tollit debitum sensum verborum. Et q. 60 art. 8,* ideo non impedit perfectionem Sacramenti; *in corp. quamvis possit contingere quod ille qui prætermittit, peccet ex negligentia vel contemp-*